

Broj:03-2-24/3-2915-3/13
Sarajevo, 18.07.2014. godine

FEDERACIJA BOSNE I HERCEGOVINE OPĆINAMA - SVIMA

PREDMET: Molba za pomoć u obavještanju obaveznika upisa u Fitoregistar, traži se

Poštovani/e,

Zakonom o zaštiti zdravlja bilja („Službeni glasnik Bosne i Hercegovine“, broj 23/03) i Pravilnikom o fitosanitarnom registru i o biljnim pasošima („Službeni glasnik Bosne i Hercegovine“ broj 5/13) propisana je obaveza uspostave i vođenja registra proizvođača, prerađivača, uvoznika i distributera biljki, biljnih proizvoda i reguliranih objekata - Fitoregistar, odnosno obaveza vlasnika određenog bilja da budu upisani u taj registar. U skladu sa Zakonom, samo ona fizička i pravna lica koja ispunjavaju propisane uslove za vršenje registrovane aktivnosti i koja su upisana u Fitoregistar se mogu baviti proizvodnjom, preradom, uvozom ili distribucijom bilja, biljnih proizvoda i reguliranih objekata sa listi V. A i V. B. iz Pravilnika o listama štetnih organizama, listama bilja i biljnih proizvoda i reguliranih objekata („Službeni glasnik BiH“ broj 48/13).

Upis u Fitoregistar je počeo 01.11.2013. godine i trajeće 12 mjeseci. Federalno ministarstvo poljoprivrede, vodoprivrede i šumarstva je obavještenje i poziv za upis poslalo na 81 adresu pravnih lica koja su po drugim propisima registrovani proizvođači sjemena i sadnog materijala, dorađivači i uvoznici. Međutim, nazivi i adrese nekih lica koja su obavezna da se upišu u Fitoregistar su nam nepoznati (npr.uvoznici plodova određenih vrsta voća i povrća, rezanog cvijeća, supstrata za uzgoj i sl.) ili ih je tako veliki broj da je gotovo nemoguće poslati pojedinačne dopise. Pokušali smo to riješiti tako što smo obavještenje i poziv za upis u Fitoregistar poslali i Udruženju proizvođača sjemena i sadnog materijala u FBiH te Zadružnom savezu FBiH sa molbom da obavijeste svoje članove, ali je neki konkretan rezultat izostao.

Imajući u vidu činjenicu da se u službama svih općina u Federaciji vode registri poljoprivrednih gazdinstava i klijenata, te da su općine mjesta sa velikom frekvencijom građana, smatramo da je najveća mogućnost da poziv za upis u Fitoregistar bude primjećen baš u općinama.

U vezi naprijed navedenog, molimo Vas za pomoć u obavještanju obaveznika upisa u Fitoregistar na način da „letak“ kojeg Vam dostavljamo u prilogu isprintate i postavite na više mjesta u Vašoj općini (kod kancelarija u kojima se vode RPG i RK, oglasna ploča, ulazna vrata općine i sl.).

Napominjemo da je na web stranici Federalnog ministarstva poljoprivrede, vodoprivrede i šumarstva (www.fmpvs.gov.ba) na više mjesta dostupan Vodič za upis u Fitoregistar sa detaljnim informacijama o proceduri upisa, dokumentima koja se prilažu uz zahtjev, o djelatnostima i o familijama, rodovima i vrstama bilja čiji vlasnici podliježu upisu. Pored pojašnjenja vezanih za upis i značenja pojedinih izraza, Vodič sadrži i obrasce koje je potrebno popuniti pri podnošenju zahtjeva za upis u Fitoregistar. Za evidenciju malih proizvođača merkantilnog krompira potrebno je popuniti samo jedan obrazac i poslati ga na adresu „Federalno ministarstvo poljoprivrede, vodoprivrede i šumarstva, Marka Marulića 2, 71000 Sarajevo – za Fito evidenciju“. Nije potrebno dostavljati nikakvu prateću dokumentaciju niti izvršiti bilo kakvu uplatu. Informacija o evidenciji se može dobiti na tel. 033/726-600 od 18.08.2014. godine kada će i obrazac biti postavljen na web. Po prijemu popunjenog obrasca za Fito evidenciju Ministarstvo će proizvođača pismenim putem obavijestiti o njegovom evidencijskom broju.

S poštovanjem,

Po ovlaštenju ministra
V.D. pomoćnika ministra
Beško Alibegović, dipl.ing.polj.



**PROIZVOĐAČI, OTKUPLJIVAČI,
PRERAĐIVAČI, SKLADIŠTARI,
DISTRIBUTERI, UVOZNICI
MERKANTILNOG KROMPIRA I PLODOVA
CITRUSA**

**UVOZNICI PLODOVA ODREĐENIH VRSTA
VOĆA I POVRĆA, ŽITA, DRVETA, KORE,
REZANOG CVIJEĆA i sl.**



**OBAVEZNI STE UPISATI SE U
FITOREGISTAR**

UPIS TRAJE DO 01.11.2014. godine
u Federalnom ministarstvu poljoprivrede, vodoprivrede i šumarstva

Ako ste proizvođač merkantilnog krompira (i prodajete svoj proizvod ili ga skladištite na mjestu proizvodnje sa namjerom distribucije) koji proizvodi merkantilni krompir na zemljištu ukupne površine od 5000 m² (0,5 ha) i više.

- proizvođači koji proizvode merkantilni krompir na površini manjoj od 0,5 ha (mali proizvođači) radi vlastite upotrebe ili za prodaju na mjestu proizvodnje ili na lokalnoj pijaci i u maloprodaji kupcima koji nisu komercijalni proizvođači niti prerađivači - samo se evidentiraju.

Ako ste proizvođač plodova citrusa - narandža, limun, grejpfrut, mandarina, klementina, limeta, četrun, čadek, kalamondrin i dr., kumkvat, japanska gorka narandža, japanski limun (i prodajete svoj proizvod ili ga skladištite na mjestu proizvodnje sa namjerom distribucije) koji proizvodi plodove citrusa na zemljištu ukupne površine od 1000 m² (0,1 ha) i više.

Sve detalje o upisu u Fitoregistar potražite u **Vodiču za upis u Fitoregistar** na www.fmpvs.gov.ba ili se informišite u Federalnom ministarstvu poljoprivrede, vodoprivrede i šumarstva na tel. 033/726-600.